





第九二六冊

四庫全書

●上海古籍出版社

本冊目次

古今事文類聚(二)
後集

宋祝穆撰……………一

欽定四庫全書

子部
古今事文類聚後集卷二

詳校官中書臣康綸鈞
侍讀臣孫球覆勘

總校官

臣王維禔

校對官中書臣趙東淵

膳錄監生臣張仲芳



欽定四庫全書

古今事文類聚後集卷二

宋 祝穆 撰

人倫部

宗族

同姓通譜 不齊通譜
妄認譜系 以上並附

書要語以親九族注上至高祖下至玄孫夏侯歐陽

等以為九族者父族四母族二妻族二亮典角弓刺幽

王也不親九族骨肉相怨雅葛藟王族刺平王也周室

欽定四庫全書

古今事文類聚後集

道衰棄其九族同上豈無他人不如我同姓杜

古今事實

散金宗族

疏廣棄官歸家日令家具酒食請族人故舊賓客相與
娛樂居歲餘廣子孫竊謂廣所愛信老人曰子孫欲及
君在時頗立產業今日飲食費且盡願丈人勸說買田
宅老人以間為廣言此計廣曰吾豈老耄不念子孫哉
使賢而多財則損其志愚而多財則益其過且此金聖

主惠養老臣也宗族共享其賜盡吾餘日不亦可乎

三世共財

樊重世善農稼好殖貨三世共財上下戮力財利歲倍
貲至鉅萬外孫何氏兄弟爭財重耻之以田二頃解其

忿訟後漢樊宏傳

北富南貧

阮咸與籍居道南諸阮居道北然北阮富而南阮貧詳見

門七夕

欽定四庫全書

古今事文類聚後集卷一

二

百口同爨

魏楊道一家之內男女百口總服同爨庭無閒言北史

妻勸異居

劉君良四世同居隋末荒饑妻勸異居因易置庭樹鳥
巢令聞且鳴妻曰天下亂禽鳥不相容况人耶君良即
與兄弟異居月餘知其謀斥去妻召兄弟流涕以告復

同居

同居書志

唐張公藝九世同居高宗有事泰山臨幸其居問本末

公藝書百忍字以對孝友傳

三世同爨

博陵崔僊總麻親三世同爨貞元以來言家法者以僊
為首生六子一登輔相五任大僚太常卿郇太府卿郇
外臺尚書郎郇廷尉卿郇執金吾郇左僕射平章事郇
而郇及郇五知貢舉得七百四十人郇昆仲自貴達亦
同居光德里一宅

欽定四庫全書

古今事文類聚後集卷一

三

擊鼓會飯

裴寬兄弟八人於東都置八院相對甥姪亦有名常擊
鼓會飯

犬亦共牢

江州陳氏宗族七口每食設廣席長幼以次坐而食
之有畜犬百餘亦共一牢食一犬不至諸犬為之不食

小學

計口給餉

李昉家子孫數世至二百餘口猶同居共爨田園邸舍所収及有官者俸祿皆聚之一庫計口日給餉

絹遺親族

范文正公自政府歸姑蘇焚黃搜外庫中有絹三千疋令掌吏錄親戚及閭里知舊自大及小散之皆盡曰宗族親戚見我生長幼學壯行為我助喜我何以助之哉

史厄

自叙宗衮

以下係同姓通譜

欽定四庫全書

古今事大類聚後集卷一

四

謝康樂稱太傅為宗衮

與巫通譜

唐趙彥昭遷中書侍郎同平章事以權倖進中宗時有巫趙扶鬼道出入禁掖彥昭以姑事之其得宰相巫力也

尊為父兄

李義府已貴乃言系出趙郡與諸李叙穆穆進者往往尊為父兄給事中李崇引與同譜既謫普州並削去

呼為叔父

羅威賦詠甚有情致錢塘人羅隱有詩名威遣使賂遺自叙宗姓呼為叔父

帖六

同譜復合

會稽黃渥與庭堅皆出於婺州之黃田七世以上失其譜以年相望與渥相近復以兄弟合宗

山谷作黃育字序

不許通譜

以下係不肯通譜

杜正倫求與城南諸杜同譜不許銜之諸杜所居號杜

欽定四庫全書

古今事大類聚後集卷一

五

固其地有旺氣故世衣冠正倫既執政建言鑿杜固通水以利人川流如血閱十日止自是南杜不振

不妄認祖

狄青為樞密使有狄梁公之後持梁公畫像及告身十餘軸詣青獻之以謂青之遠祖青謝之曰一時遭際安敢自附梁公厚贈而還之比之郭崇韜哭子儀之墓所得多矣

筆談

遙遙華胄

以下係妄記譜系

梁何昌寓為吏部尚書有姓閔求官者昌寓問君是誰

後答曰子為後昌寓掩口笑曰遙遙華胄

認郭汾陽

五代唐郭崇韜為樞密使用事自宰相豆盧革等皆附之以其姓郭因問崇韜曰汾陽王本太原人徙華陰公家世鴈門豈其枝派耶崇韜曰因遭亂亡失譜牒嘗聞先人言上距汾陽四世耳革曰然則固從祖也

通譜方相

欽定四庫全書

古今事文類聚後集

六

唐有士人姓方好矜門第但姓方貴人必認為親戚或戲之曰豐邑方相何親遽曰再從伯氏戲者笑曰既是方相姓只堪嚇鬼蓋豐邑坊乃造凶器出賣之地

妄認遠祖

有一故相遠派在姑蘇因嬉遊書其壁曰大丞相再從姪某嘗遊至此有士人李璋素好訛謔題其傍曰混元皇帝三十七代孫李璋繼至

筆談

古今文集

雜著

族譜引

蘇明允

蘇氏族譜譜蘇氏之族也蘇氏出於高陽而蔓延於天下唐神堯初長史味道刺眉州卒于官一子留於眉眉之有蘇氏自此始而譜不及者親盡也親盡則曷為不及譜為親作也凡子得書而孫不得書者何也以著代也自吾之父以至吾之高祖任不仕娶某氏享年幾某日卒皆書而他書者何也詳吾之所自出也自吾之父以至吾之高祖皆曰諱某而他則遂名之何也尊吾之所自出也譜為蘇氏作而獨吾之所自出得詳與尊何也譜吾作也嗚呼觀吾之譜者孝弟之心可以油然而生矣情見於親親見於服始於縗而至於總麻而至於無服無服則親盡親盡則情盡情盡則喜不慶憂不弔喜不慶憂不弔則塗人也吾所與相視如塗人者其初兄弟也兄弟其初一人之身也悲夫一人之身分而至於塗人吾譜之所以作也其意曰分於塗人者勢也

欽定四庫全書

古今事文類聚後集

七

勢吾無如之何也幸其未至於塗人也使其無至於忽忘可也嗚呼觀吾之譜者孝弟之心可以油然而生矣系之以詩曰

吾父之子 今為吾兄 吾疾在身 兄呻不寧
數世之後 不知何人 後死而生 不為戚欣
兄弟之情 如足於手 其能幾何 彼不相能
彼獨何心

蘇氏族譜亭記

蘇明允

欽定四庫全書

古今事文類聚後集

八

匹夫而化鄉人者吾聞其語矣國有君邑有大夫而爭訟者訴於其門鄉有庠里有學而學道者赴於其家鄉人有為不善於室者父兄輒相與恐曰吾夫子無乃聞之嗚呼彼獨何修而得此哉意者其積之有本末而施之有次第耶今吾族人猶有服者不過百人而歲時蜡社不能相與盡其惟欣愛洽稍遠者至不相往來是無以告吾鄉黨隣里也乃作蘇氏族譜之亭於高祖墓塋之西南而刻石焉既而告之曰凡在此者死必赴冠娶

必告少而孤則老者字之貧而無歸則富者收之而不然者族人之所共誚責也歲正月相與拜奠於墓下既奠列坐於亭其老者顧少者而嘆曰是不及見鄉隣風俗之美矣自吾少時見有為不義者則衆相與疾之如見怪物焉慄焉而不寧其後少良也猶相與笑之今也則相與安之耳是起於某人也夫某人者是鄉之望人也而大亂吾俗焉是故其誘人也速其為害也深自斯人之逐其兄之遺子而不卹也而骨肉之恩薄自斯人之多取其先人之貲田而欺其諸孤子也而孝弟之行缺自斯人之為其諸子所訟也而禮義之節廢自斯人之以妾加其妻也而嫡庶之別混自斯人之篤於聲色而父子離處謹諱不嚴也而閨門之政亂自斯人之黷財無厭惟富者之為賢也而廉耻之路塞此六行者吾時所謂大慙而不容者也今無知之人皆曰某人何入也猶且為之其與焉赫奕婢妾靚麗以欺罔君子是州里之大盜也吾不敢以告鄉人而私以戒族人也彷彿

欽定四庫全書

古今事文類聚後集

九

於斯人之一節者願無過吾門也予聞之懼而請書焉
老者曰書其事而缺其姓名使他人觀之則不知其為
誰而夫人之觀之則面熱內慙汗出而食不下也且無
彰之庶其有悔乎予曰然乃記之

義田記

錢公輔

范文正蘇人也平生好施予擇其親而貧疎而賢者咸
施之方貴顯時置負郭常稔之田千畝號曰義田以養
濟群族之人日有食歲有衣嫁娶凶葬皆有贍擇族之

欽定四庫全書

古今事文類聚後集

十

長而賢者主其計而時其出納焉日食人一升歲衣人
一練嫁女者五十千再嫁者三十千娶婦者三十千再
娶者十五千葬者如再嫁之數葬幼者十千族之聚者
九十口歲入給稻八百斛以其所入給其所聚沛然有
餘而無窮仕而家居俟代者與焉仕而居官者罷其給
此其大較也初公之未貴顯也嘗有志於是矣而力未
逮者二十年既而為西帥及參大政於是始有祿賜之
入而終其志公既沒後世子孫修其業承其志如公之

存也公雖位充祿厚而貧終其身歿之日身無以為殮

子無以為喪惟以施貧活族之義遺其子而已昔晏平
仲敝車羸馬桓子曰是隱君之賜也晏子曰自臣之貴
父之族無不乘車者母之族無不足於衣食者妻之族
無凍餒者齊國之士待臣而舉火者三百餘人如此其
為隱君之賜乎彰君之賜乎于是齊侯以晏子之觴而
觴桓子子嘗愛晏子好仁齊侯知賢而桓子服義也又
愛晏子之仁有等級而言有次第也先父族次母族次

欽定四庫全書

古今事文類聚後集

十一

妻族而後及其疎遠之賢孟子曰親親而仁民仁民而
愛物晏子為近之今觀文正之義田賢於平仲其規模遠
舉又疑過之嗚呼世之都三公位享萬鍾祿其邸第之
雄車輿之飾聲色之多妻孥之富止乎一已而已而族
之人不得其門而入者豈少哉況於施賢乎其下為卿
為大夫為士廩稍之充奉養之厚止乎一已而已而族
之人操壺瓢為溝中瘠者又豈少哉況於他人乎是皆公
之罪人也公之忠義滿朝廷事業滿邊隅功名滿天下

後必有史官書之者予可略也獨高其義因書以遺於世云

劉氏義學記

朱元晦

始予守南康隣境德安有宰焉為政一本儒術甚以惠愛得其民歲饑為請蠲租而州家不可顧民狼狽相驚有逃去者則亟使人追止之曰所不為若等力請于州必蠲十七者令寧委印綬去終不忍使若等為異鄉鬼也民聞是令下為之感泣復相與攜而歸衆乃具以情

欽定四庫全書

古今事文類聚後集

十三

白州若部刺史竟得如約乃已予聞而竊心善之而問其邑里姓名則曰玉山劉侯也南康屬邑有越德安而懸隸者每遣掾吏循行則必成使謁劉侯觀其荒政所施以為法於是劉侯之惠不止行其封內而又波及南康之境竟食斯民得無流亡殍死者及予將終更乃得納謁劉氏之館而拜賜焉則望其貌聽其言而有以信其為君子人也後數歲予以事過玉山則劉侯以待次家居復得相見如平生歡一日慨然語予曰吾家本單

貧而入仕又甚晚顧無以仁其三族者間嘗割田立屋聘知名之士以教族子弟而鄉人之願學者亦許造焉兄弟之間有樂以其貲來助者而吾猶懼其或不繼也則又出新安餘俸為之發舉屠積以佐其費而凡所以完葺丘隴周卹族姻者亦取具焉既已言於吾州而邦君吳侯樂聞之為之出教刻符以詔吾之子孫使毋違吾志吾子雅知我其為我記之以告其教學於此者使知有以勉焉予聞而歎曰今士大夫或徒步至三公然一日得志則高臺深池撞鐘舞女所以自樂其身者惟恐日之不足雖廩有餘粟府有餘錢能無為州里災害則足矣固未暇以及人也如劉侯者身雖寵而官未登於六品家雖溫而產未能千金顧其所以用心乃如此是則可謂賢遠於人而亦可以見其前日德安之政不為無本而匪以聲音笑貌為之矣乃追本其事而記之如此雖然古人之所謂學者豈讀書為文以干利祿而求溫飽之云哉亦曰明理以修身使其推之可以及夫

欽定四庫全書

古今事文類聚後集

十三

天下國家而已矣群居於此者試以此意求諸六經孔孟之言而深思力行之庶具有以不負劉侯之教也劉侯名允迪字德華云

義莊記

陸務觀

東陽進士陳君德高因吾友人呂君友德來告曰德高不幸早失先人舉進士又輒斥念普先人進德高輩於學蓋將使之事君使之字民以廣我先人之志願雖自力而不合於有司之繩尺其如遂負所期望付託生何

欽定四庫全書

古今事文類聚後集

十五

面以奉祭享死何辭以見吾親於地下不獲於仕進為時雨為豐年矣獨不可退而施於宗族乎於是欲為義莊畧用范文正公之架度而稍增損之以適時變敢求文於執事者且載其事於碑予復之曰美哉吾子之志也人之情於其宗族遠則踈之彌遠則益踈而至於忘之蓋以身為親踈而不以先人為親踈也視兄之子已或不若已之子已之子與兄之子自吾父視之有異乎能以父之心為心則已之子與兄之子且不知其同異

欽定四庫全書

古今事文類聚後集

十五

矣推而上之大父之孫為從父兄弟曾大父之曾孫為從祖兄弟又推而上之至於無服雖天下長者不能無親踈之殺矣於乎制服不得不若是也若推上世之心愛其子孫欲使之衣食給足婚嫁以時欲使之為士而不欲使之流為工商降為皂隸去為浮圖老子之徒則一也死而有知豈以遠而忘之哉義莊之設蓋基於是然舉天下之能為是者有幾非以為不美而不為也力不足也若陳君者自其先人勤勞節約以致饒餘而陳君不敢私有之其地在滕頭昭福寺之旁初期以千畝今及十之七而吾地在滕頭者止此比隣感其義皆欲期年間貿易以成之又植桑畜牛築堤以豐衣食之源其詳見碑陰又有最當慮者吾子之心則盡矣後人或貪而專利或嗇而吝出或夸而廣費或挾長挾有之力之助而敗約非有司者別白之則莊且壞不支府牧邑長丞掾曹吏及鄉之鄉大夫先生處士其必網維主張之使久而如一日陳氏布衣也其貲產非能絕出一

鄉之上而義倡於鄉如此吾徒仕於朝官于四方雖未必皆厚祿然聞陳氏之風不知愧且慕者豈人情也哉于是併書以遺焉君之先君子蓋諱士澄字彥清云

時當會族

謝昌國

凡人家法須令每有族人遠來則為一會以會族雖無事亦當一月為之古人有花樹韋家宗會法可取也然族人每有吉凶嫁娶之類亦須更相為禮使骨肉之意常相近骨肉日疎者只為不相見情不相接也

善勸錄

欽定四庫全書

古今事文類聚後集

六

古詩

命子

陶潛

悠悠我祖爰自陶唐邈為虞賓世歷重光御龍勤夏承韋翼商穆穆司徒厥族以昌紛紜戰國漠漠哀周鳳隱於林幽人在丘逸虬遠雲奔鯨駭流天下有漢眷余悠

謂陶舍見功臣表

於赫愍侯運當攀龍撫劍風邁顯茲武功

謂陶青見功臣表

允迪前蹤渾

渾長源嶠鬱洪柯群川載導衆條載羅時有語默運因

隆家在我中葉桓桓長沙謂陶侃惟茲長沙伊勲伊德天子疇我專征南國功遂辭歸臨寵不忒孰謂斯心而近可得肅矣我祖慎終如始直方二憂惠和千里於穆仁考淡焉虛止寄跡風雲真茲愜喜嗟余寡陋瞻望非及顧慚華鬢負影隻立

後段見姓名門

贈長沙公族祖一首

并序

陶潛

長沙公於余為族祖同出大司馬昭穆既遠已為路人經過潯陽臨別贈此

欽定四庫全書

古今事文類聚後集

七

同源分流人易世疎慨然悟歎念茲厥初禮服遂悠歲月渺祖感彼行路眷焉躊躇於穆令族允構斯堂詣氣冬輝映懷圭璋爰采春花再警秋霜我曰欽哉實宗之光伊途云邁在長志同笑言未久逝焉西東遙想湘渚滔滔九江山川阻遠行李時通何以寫心貽茲語言進實雖微終在為山敬哉離人臨歧悽然歎襟或違音問其先

示從孫濟

杜甫

平明跨驢出未知適誰門權門多噂喑且復尋諸孫諸
孫貧無事宅舍如荒村堂前自生竹堂後自生萱萱草
秋已死竹枝霜不繁淘米少汲水汲多井水渾刈葵莫
放手放手傷其根阿翁懶惰久覺兒行步奔所來為宗
族亦不為盤飧小人利口實薄俗難具論勿受外嫌猜
同姓古所敦

律詩

吾宗

杜甫

欽定四庫全書

古今事文類聚後集

卷八

吾宗老孫子質朴古人風耕鑿安時論衣冠與世同在
家常早起憂國願年豐語及君臣際經書滿腹中

贈益陽成之主簿并引

黃魯直

予之竄嶺南道出衡陽見主簿君益陽黃成之問宗派
乃同四世祖兄于是出嫂氏子婦相見喟然念高祖父
之兄弟未遠也而殊鄉異井六十歲而後相識亦可悲
也益陽兄之叔父晦甫侍御在家著孝友之譽立朝有
忠鯁之名不幸年五十有四被召而沒於道上將啓手

足自力作疏極論濮園事所謂歿而不忘諫君以德其
枝葉必將豐茂有赫赫於世者故作詩道之

關祖門中種陰德名塞四海世有人諸兒莫斷詩書種
解有無闕縉紳

又

人間卿相何足道曾次詩書要不忘男兒邂逅起屠釣
何如林中日月長

詩話

欽定四庫全書

古今事文類聚後集

卷八

不重宗盟

陶淵明有贈長沙公詩序云子於長沙公為族祖同出
大司馬昭穆既遠已為路人故其詩云同源分流人易
世疎感彼行路春馬躊躇蓋深傷之也杜子美訪從孫
濟而不免於防猜故其詩云所來為宗族亦不為盤飧
小人利口實薄俗難具論勿受外嫌猜同姓古所敦觀
長沙公及濟則尊祖之義掃地矣約語
陽秋

姓氏

摩書要語別生分類注生姓也別其姓族分其類使相

從與錫土姓注以所生之土賜之為姓故天子建德因

生以賜姓謂有德之人生此地以此地名賜之姓以顯

之禹姓者生也以此為祖令之相生雖下及百世而此

姓不改族者屬也與其子孫共相連屬其旁支別屬則

各自為氏左隱公疏天子賜姓命氏諸侯命族族者氏之別

名也姓者所以統係百世使不相別也氏者所以別子

孫之所出故世本之篇言姓則在上言氏則在下也史記

欽定四庫全書古今事類彙編卷一

古今事實

帝王同姓

五帝三王自黃帝至舜禹皆同姓而異其國號以章明

德故黃帝為有熊顓帝為高陽帝嚳為高辛帝堯為陶

唐帝舜為有虞禹為夏后而別姓如氏契為商姓子氏

稷為周姓姬氏史記

以土為氏

炎帝之姜黃帝之姬因始所生地而為之姓唐張說傳舜由

嬀汭故陳為嬀姓史穆王使造父攻徐偃王破之乃賜

以趙城由此為趙氏史

以封為氏

文王封子時叔於沈其後為沈氏 太公望本姓姜氏

封於呂故曰呂尚其後為呂氏 武王封太伯曹孫於

閭其後為閭氏 晉穆侯封少子成師於韓其後為韓

氏 晉獻公封畢萬於魏其後為魏氏 宋公子段食

欽定四庫全書古今事類彙編卷一

於褚其後為褚氏 宋太公食於蕭其後為蕭氏 楚

貴皇食於苗其後為苗氏 晉叔向食於楊其後為楊

氏 杞之後食於婁故後為婁氏 越之後食於歐山

之陽故後為歐陽氏

以名為氏

陳伯來之後為來氏齊公子高之後為高氏衛公子惠

孫之後為孫氏宋公子樂父之後為樂氏宋司寇牛父

之後為牛氏魯閔子騫之後為騫氏

以官為氏

祭仲初為祭封人守封疆者後以為氏 漢孝文時居
官者長子孫以官為氏倉氏庫氏則倉庫吏之後也

以字為氏

隱八年無駭卒羽父請謚與族公問族於衆仲衆仲答
曰天子建德因生以賜姓昨之土而命之氏諸侯以字
為氏因以為族官有世功則有官族邑亦如之公命以
字為展氏

欽定四庫全書

以物為姓

古今事文類聚後集

卷一

伯陽生於李樹下遂指李樹為姓 馬援其先趙奢為

趙將能馭馬號馬服君後之子孫因以為氏 第五倫

其先諸田徙園陵多以次第為氏 陸羽不知所生或

言有僧得之水濱畜之既長以易自筭得蹇之漸曰鴻漸

於陸其羽可用為儀遂以陸為氏羽為名而字以鴻漸

以字而訛

周封高陽之後於邾後為楚所滅子孫乃去邑而氏朱

周武王子邛叔子孫以國為氏其後去邑而氏于

東暫本疏廣之後曾祖避難去足為東 民儀本姓氏

孔融嘲之曰氏字民無上可改為民徐衆評曰古之建

姓或以所生或以官號或以祖今離析文字橫生忌諱

是誣祖也 吳志東據避仇改為棘 文潞公本姓敬其曾

大父避石晉高祖諱更姓文至唐復姓敬入宋其大父

避翼祖諱又更姓文初敬氏避諱各用其一偏或為文

氏或為苟氏然敬字從苟 棘非苟也從文非文也俱非

欽定四庫全書

古今事文類聚後集

卷一

其一偏也 聞見後錄

以聲而訛

蔡伯喈作郭林宗碑曰其先出自周王季遷國命氏或

謂之郭即其後也 魏初莫護跋率部落入居西遼時

燕代多冠步搖冠諸部因謂之步搖後音訛為慕容且

以為氏 前燕錄 嵇康本奚氏後奚易而為嵇 唐韋替否

本夏啓封支子於莘莘卒聲相近遂為辛氏 本傳注

因事而改

車千秋本齊田氏千秋以年老得乘小車出入省中時人謂之車丞相子孫因以為氏 賀姓本齊之公族慶封之後漢侍中慶純避安帝諱改為賀氏 唐源乾曜本禿髮僊檀之子賀入後魏魏太祖謂之曰與卿同源氏遂以為氏乾曜蓋其後也傳注唐席豫席出安定其先姓籍避項羽諱改姓席氏

更易姓名 見後姓名門

冒姓不一

欽定四庫全書

古今事文類聚後集

三

漢灌孟本張氏後為灌嬰舍人冒姓灌氏 衛青父鄭季給事陽信公主家奴與衛媼通生青故冒姓衛 婁敬勸高祖都關中賜姓劉 夏侯嬰為滕公隨母養外家因姓孫氏 鄭注本姓魚冒為鄭故當時號魚鄭及用事人號為水族 員半千其先本彭城劉氏十世祖凝之仕宋及齊受禪奔元魏自比伍員因姓員氏 李元亮本姓安氏少為駱奉先養息冒姓駱氏 李勣本姓徐氏後賜姓李封英國公 李抱玉本姓安名重璋

元宗以其戰河西有功賜姓李改名抱玉 五代劉知遠其先沙陀部人冒姓劉氏 石敬瑭其父臬族難本出於西夷其姓石氏不知其始

作氏族志

唐太宗詔高士廉與谷文本等實天下譜牒詳考史傳作氏族志

號肉譜

李亨素為倉曹參軍通姓氏學號肉譜虞世南與論人物歎曰肉譜定可畏許敬宗曰此名豈雅目耶世南曰昔任彥昇通經時稱五經笥今以倉曹為人物志可乎

欽定四庫全書

古今事文類聚後集

三

為世譜

歐陽文忠公蘇明允各為世譜文忠依漢年表明允以禮大宗小宗為次雖例不同然皆足以考其世次余切恠文忠所謂不知姓之所自而昧昭穆之叙則禽獸不若也其譏誚世之人可謂至矣然歐陽氏得姓凡幾年其間文學之士蓋亦多矣文忠始為之譜斯言恐未為